

诸星母陀罗尼经 1 卷

No. 1302

诸星母陀罗尼经

沙门法成于甘州修多寺译

如是我闻。一时薄伽梵住于旷野大聚落中。诸天及龙药叉罗刹干闥婆阿须罗迦楼罗紧那罗莫呼落迦诸魔。日月荧或太白镇星余星岁星罗睺长尾星神二十八宿诸大众等。悉皆赞叹诸大金刚誓愿之句。威加庄严师子座上与诸菩萨同会一处。其名曰金刚手菩萨摩訶萨。金刚忿怒菩萨摩訶萨。金刚部菩萨摩訶萨。金刚弓菩萨摩訶萨。金刚主菩萨摩訶萨。金刚庄严菩萨摩訶萨。金刚光菩萨摩訶萨。观自在菩萨摩訶萨。普见菩萨摩訶萨。世间吉祥菩萨摩訶萨。莲华幢菩萨摩訶萨。广面菩萨摩訶萨。华眼菩萨摩訶萨。妙吉祥菩萨摩訶萨。慈氏菩萨摩訶萨等。诸大菩萨僧前后围遶瞻仰说法。其法名为广大庄严如意宝珠初中后善句义美妙无杂清净清白梵行。

尔时金刚手菩萨观于大众从座而起。以自神力旋遶世尊数百千匝。作礼前住自具倚持。以善跏趺瞻视大众。以金刚掌安自心上而白佛言。世尊有其恶星。色刑极恶具猛利心。色刑忿怒恼乱有情。夺其精气或夺财物或夺于命。长寿有情令作短寿。如是恼乱一切有情。为是等故。唯愿世尊关显法门。守护一切有情之类。世尊告曰。善哉善哉。汝兴大悲为利一切诸有情故。问于如来甚深密义。汝今谛听善思念之。我当说其恶星瞋怒破坏之法。及说供养行施念诵秘密之义。

若行供养当供养
如是诸星刑色等
诸天及与诸非天
诸药叉等并罗刹

若作其恶当作恶
云何而令生欢喜
紧那罗等及诸龙
人及迦多富多那

猛利威德诸大神 瞋怒云何而殄灭
秘密言辞供养法 今当次第而宣说

尔时释迦如来从自心上而放慈心游戏光明。入于诸星顶髻足中。寻时日月一切星神从座而起。以诸天供即以供养释迦如来。膝轮着地合掌作礼而白佛言。世尊如来应供正真等觉利益我等。唯愿世尊宣说法门。令于我等而聚集已守卫防护说法之师。令得吉庆远离刀杖消灭毒药作结界。

尔时释迦如来即便为说供养星法及以密言陀罗尼曰。

唵谟呼罗迦耶莎诃 唵尸当奢蔽莎诃

唵落落当伽俱么啰也莎诃 唵报[多*页]也报[多*页]也莎诃 唵报伽阿悉婆[多*页]世莎诃 唵诃须啰萨多么也莎诃 唵吃哩悉囊簸罗那也莎诃 唵阿蜜多毕哩耶莎诃 唵藉底羯多蔽莎诃

金刚手。此则是彼八星秘密心咒。读便成办。当作十二指一色香坛中安供养。或瓦或铜金银等器奉献供养。一一供养当诵一百八遍。金刚手。然后诵此诸星母陀罗尼秘密言辞满足七遍。一切诸星而作守护。所有贫穷悉得解脱。命将欲尽而得长寿。金刚手。若苾刍苾刍尼乌波索迦乌波斯迦及余有情之类。若历耳根而不中天。金刚手。诸星坛中设供养已每日而读诵者。彼说法师一切诸星如彼所愿悉令满足。与彼同类贫匮诸事皆得消灭。

尔时释迦如来即便为说诸星母陀罗尼。即说咒曰。

南谟佛陀耶 南谟婆耨罗驮罗耶 南么钵么达啰耶 南么萨婆迦啰诃 南么萨婆阿奢波啰甫迦喃 南谟诺奢多啰喃 南谟埵爹奢啰尸喃 怛也没底没底簸室啰簸室啰 钵明钵明 娑啰娑啰 钵娑啰钵娑啰 三婆啰三婆啰 基多耶基多耶 么啰么啰 么讵陀么讵陀 伽[多*页]耶 萨婆碧建 俱噜俱噜 晋那晋那 乞舍波耶乞舍波耶 扇胝[日/工]低 [多*页]么耶[多*页]么曳 咄噜多儂 达奢耶羯么喃 薄伽薄帝 落叉耶落叉耶 么那婆波哩波蓝 娑啰波萨都王悉荼 萨婆吃诃 那乞奢多啰 陂多么簸儂 簸啰儂 簸啰薄伽薄底 么诃摩曳 萨驮耶咄悉荼么奢耶 波波儂 么赞底赞底 都噜都噜 赞底谋榆谋榆 资谋资谋诃婆诃蔽 屋吃哩屋吃诃 爹迷甫啰耶迷 末努多蓝 萨婆[怡-台+(日/工)]他迦多 阿低悉低 娑么耶莎诃 唵莎诃 吽莎诃 纒哩莎诃 吽莎诃 [怡-台+(日/工)]航莎诃 钵么[多*页]啰莎诃 阿室哆耶莎诃

苏磨耶莎诃 [多*页]啰儻须多耶莎诃 没他耶莎诃 勃多悉波低曳莎诃 [仁-二+寂]伽啰耶沙诃 吃奢那跋那耶莎诃 啰诃蔽莎诃 雉多蔽莎诃 没他耶莎诃 簸楞啰达啰耶莎诃 钵么[多*页]啰莎诃 拘么啰耶莎诃 诺乞沙多啰难莎诃 萨婆乌钵多啰簸难莎诃 唵萨婆簸比底叭叭莎诃

金刚手。此是诸星母陀罗尼秘密呪句。成办一切诸事根本。金刚手。此陀罗尼秘密呪句。从于九月白月七日而起于首具足长净。至十四日供养诸星。而受持之月十五日。若能昼夜而读诵者。至满九年无其死畏。亦无星流堕落怖畏。亦无月宿作恐怖畏而忆宿命。亦能供养一切诸星。一切诸星随其所愿而授与之。尔时诸星礼世尊已赞言善哉。忽然不现。

诸星母陀罗尼经一卷

【经文信息】大正藏第 21 册 No. 1302 诸星母陀罗尼经

【版本记录】CBETA 电子佛典 Rev. 1.7 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】
